

SCRIPTA

Numéro Scripta : 4956

Auteur(s) : Guillaume Croc [chevalier]

Bénéficiaire(s) : Pont-de-l'Arche, Notre-Dame de Bonport (abbaye)

Genre d'acte : vidimus

Authenticité : non suspect

Datation : 1276, mai

Action juridique : confirmation

Langue du texte : latin

Analyse

Guillaume Croc, chevalier, confirme la donation de 12 sous tournois de rente faite aux religieux de Bonport par Aline, veuve de Robert Soein.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CCXCI, p. 296-297.

Texte établi d'après a

Universis presentes litteras inspecturis Guillelmus dictus Croc, miles, salutem in Domino. Noveritis me litteram Aeline, relicte Roberti Soein, defuncti, de Welleboto, vidisse in hec verba :

Noverint universi, presentes et futuri, quod ego Aelina, relicta Roberti dicti Soein, de parrochia Sancti Johannis de Welleboto, pro salute anime mee et dicti Roberti, mariti mei, defuncti, et omnium antecessorum meorum, dedi et concessi in puram et perpetuam elemosinam Deo et Beate Marie de Bono Portu et monachis ibidem Deo servientibus et servituris duodecim solidos turonensium annui redditus, quos Robertus dictus Sutor, de parrochia Sancti Cyrici in campania, michi reddebat annis singulis, ad festum Sancti Michaelis, super masagium suum, situm inter masagium Durandi de Moncello, ex una parte, et masagium Gilleberti, filii Ase, ex altera: tenendum et habendum et annis singulis percipiendum dictum redditum dictis religiosis, bene, pacifice et quiete, absque ulla contradictione mei de cetero vel heredum meorum. Et ut hoc ratum et stabile permaneat in futurum, presentem cartam eisdem tradidi sigilli mei munimine confirmatam.

Actum anno Domini M° CC° LX° sexto, mense maii.

Hanc autem donacionem et concessionem ego predictus Guillelmus, dominus feodi, laudo, approbo et concedo, et appositione sigilli mei confirmo, pro salute anime mee et omnium antecessorum meorum.

Actum anno Domini M° CC° LXX° sexto, die lune ante festum Beati Barnabe apostoli.